


V I S T O à Meridie adjacentes.



D octoginta millia à Skia ad Occidentem æstivum projecta Linga, & Gigarmena, & Bernera, & Megala, & Paba, & Flada, & Scarpa vervecum, & Sandera, & Vaterfa, quæ præter alia commoda plurima stationem habet multarum, & magnarum navium capacem, in quam ex omnibus circumjacentibus regionibus, statis temporibus, magna piscatorum frequentia convenire solet. Hæ novem postremæ insulæ sub dominatu sunt Episcopi insularum. A Vaterfa duo millia abest Barra septem millia longa, ab Occidente hiberno se ad Orientem æstivum exporrigens: frugum non infœcunda: piscatu asellorum maxime insignis. In hanc sinus maris angustis faucibus infunditur: interius latius rotundatur. Insulam habet unam, & in ea arcem munitissimam. In Septentrionali plaga Barræ assurgit collis, ab imo ad summum herbidus: è summo ebullit fons aquæ dulcis, è quo rivus qui defluit, secum in mare vicinum deferret velut minuta quædam, sed adhuc informia animalia, quæ aliqua ex parte, sed obscure speciem conchularum, quas vulgo vocamus Cochleas, præferre videantur. Hanc littoris partem in quam deferuntur accollæ magnas arenas appellant, quod ibi recedente maris æstu ultra mille passus arena nudetur: illinc magnæ conchæ effodiuntur, quas vicini credunt ex illo velut seminio, quod rivus è fonte defert, aut nasci, aut certe in mari incrementum sumere. Inter Barram, & Vistum jacent hæ deinceps exiles insulæ, Orbanfa, Ovia, Hakerfata, Garulanga, Flada, Buya major, Buya minor, Haja, Hellisaia, Gigaia, Lingaia, Feraia, Fudaia, Eriscaia.

